

Reglement optoch

De 3-kes Daag



Wae mei wilt doon aan de optoch van De 3-kes, 't Vastelaovesgezelschap van de gemeente Venlo, wuurt verzoch zich te halde aan onderstaond reglement.

- 1.** De 3-kes Daag vindt plaats op de zaoterdaag ein waek veur de Vastelaovend. 't Opstelle veur de optoch is vanaaf 11.30 oor. Optochdeilnemers deene zich uuterlik um 11.15 oor te melde beej kefee de Baek (Kleine Baekstraot 15, Venlo). De parkiérplaats van de HAS hoégeschoél kin gratis waere gebroék um de voertuig dae meigit in de optoch te parkere veur aanvang van d'n optoch.
- 2.** Optochdeilnemers deene zelf eine voertuig te regele veur eure hoégheid of hoéghe. 't Voertuig môt APK gekeurd en verzekerd zien. De wage meug gen geväörlikke oétstaeksels hebbe. De deelnemer gaef tiédig aan de organisasie door of d'r eine voertuig meigit, inclusief merk en type. De veurkeur geit oét nao eine persoéne auto (voertuig). In onderling euverleg kin beslaote waere um de hoégheid in ein ander vervoersmiddel te vervoere. De bestuurder môt in 't bezit zien van ein geldig riejbewiés. Sjauffeurs in d'n optoch zien vólges de wet as sjauffeur verantwoordelik.
- 3.** De optochdeelnemer is verplich um de voertuig te begeleide mit minimaol 2 persoéne en te zörge det deese veilig door de binnestad geit.
- 4.** D'r meug gen snoepgood of drinke oét 't voertuig waere gegoeïd. Oétdeile van snoepgood meug waal.
- 5.** 't Is neet toegestaon um beej 't opstelle of tiédes de optochroute (Kleine Baekstraot, Groëte Baekstraot, Kwartelemert, Hoégstraot en Vleisstraot) confetti of andere feesversiering oét te goeie. Op de mert veur 't Stadhoés is det waal toegestaon.
- 6.** 't Is meugelik um zelf ein geluúdsinstallasie (mit microfoon) mei te neme. Let waal op mit 't geluudsniveau as d'r ein muziekgezelschap veur of achter ôg löp.
- 7.** 't Is neet toegestaon um drank mei te neme in d'n optoch. Glaaswerk, plastik baekers, blikkes en flesse zien verbaoje.
- 8.** Deilname aan de optoch kin allein plaatsvinde mit goodkeuring van de organisasie en de toéwiézing van ein optochnummer. De 3-kes is verantwoordelik veur de optochsamenstelling.
- 9.** Optochdeilnemers waere gevraog um de aanwiézing van de organisasie en de optochbegeleiding op te volge, zoéwaal veur, tiédes en nao d'n optoch. Punte wao dit reglement neet in verzuuét, waere beslis door de organisasie.

't Wuurt op priés gesteld as optochdeilnemers aanwezig blieve op de mert as de bekindmaking van de Groët-Venloosche Nar plaatsvindt.